



Na osnovu člana 6.6. a u vezi člana 5.29 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 38/22, 51/22 i 67/22), **odlučujući o zahtjevu Jokić Aleksandra, birača, za ispravku izbornih rezultata za Drinić Nebojšu i Savić-Banjac Mirnu, kandidate političkog subjekta Partija demokratskog progresa na biračkom mjestu 034B234**, Centralna izborna komisija Bosne i Hercegovine je na 75. sjednici, održanoj 27.10.2022. godine, donijela

## O D L U K U

(1) Usvaja se zahtjev i utvrđuje da je Drinić Nebojša, kandidat političkog subjekta Partija demokratskog progresa za nivo Narodna skupština Republike Srpske **osvojio 28 glasova**, dok je Savić-Banjac Mirna, kandidatkinja političkog subjekta Partija demokratskog progresa za nivo Narodna skupština Republike Srpske **osvojila 19 glasova** na biračkom mjestu 034B234 u osnovnoj izbornoj jedinici Banja Luka.

(2) Ova odluka stupa na snagu danom donošenja.

## Obrazloženje

Centralna izborna komisija BiH je dana 22.10.2022. godine donijela Odluku o utvrđivanju i objavljivanju rezultata Općih izbora u Bosni i Hercegovini 2022. godine broj: 05-1-07-1-2317-1/22 od 22.10.2022. godine.

Jokić Aleksandar, birač, dostavio je Centralnoj izbornoj komisiji BiH prigovor koji je ocjenjen kao zahtjev za ispravku izbornih rezultata u kojem je naveo da na biračkom mjestu 034B234 u osnovnoj izbornoj jedinici Banja Luka Drinić Nebojša, kandidat političkog subjekta Partija demokratskog progresa osvojio 28 glasova, dok mu je upisano 58 glasova, a da je Savić-Banjac Mirna kandidatkinja političkog subjekta Partija demokratskog progresa osvojila 19 glasova, dok joj je upisano 50 glasova.

Nakon provjere na originalnom ZR obrascu za nivo Narodna skupština Republike Srpske nesporno je utvrđeno da je Drinić Nebojša, kandidat političkog subjekta Partija demokratskog progresa osvojio 28 glasova, dok je Savić-Banjac Mirna, kandidatkinja političkog subjekta Partija demokratskog progresa osvojila 19 glasova na biračkom mjestu 034B234 u osnovnoj izbornoj jedinici Banja Luka, što potvrđuje da je učinjena očigledna greška pri unosu izbornih rezultata u JIIS aplikaciju, iz kojih razloga je Centralna izborna komisija BiH i odlučila kao u dispozitivu ove odluke.

**Pravna pouka:** Protiv ove odluke u skladu sa članom 6.9 stav (1) i (2) Izbornog zakona Bosne i Hercegovine može se podnijeti žalba Apelacionom odjeljenju Suda Bosne i Hercegovine u roku od dva dana od dana prijema ove odluke.

Žalba se podnosi preko Centralne izborne komisije BiH i dostavlja se putem faks aparata, na broj: 033/251-329, elektronskom poštom na e-mail adresu kontakt@izbori.ba ili neposredno u sjedište Centralne izborne komisije BiH, ulica Danijela Ozme 7 Sarajevo.

Broj: 05-1-07-1-4422/22  
Sarajevo, 27.10.2022. godine

Dostavljeno:

- Podnosiocu zahtjeva
- a/a



Predsjednik  
Dr. Saša Anđelić